


PATHIEN HET DING



Simmun 2: April 11, 2026



“Pathien tah
khat seh
Nang le nahin
sol Jesu
Christa ahet
diu hi tuonsot
hinna ahi.”

(John 17:3)

Chonsiet jal hin Pathien ahina bang tah in ihedoh thei tapo uve. Pathien hetnopna jal hin tampi'n mihiem le gamsa lim asiem un pathien ahi akiti uve. Kichat um le lunggel kikhel loi loi ahisah un, Pathien chu mihiem limpu in akisiem doh ta uve.

Hinlah Pathien chu itobang mong ahi dem? Thupi behseh jieng a mihiem te hetjoujai hilouva hin tem? Iti'n ti jong leu hen, tahbeh in vang, Pathien chu mihiem te hetthiem joujai ahipoi. Ko'n ei hetthiem sah jou diu hitan tem?

Hetthiem sah a chu ana umsa ahibouve, Pathien itobang ahi nahet mong leh! Bible a hin Pathien hina dihtah akimu'i.



➡ Pathien hina ho.

➡ Pathien chonchan dol:


● Pathien thiengthou tah ahi

● Pathien ngailut ahi

➡ Pathien hetdoh theina:

● Thilsiem a kuon Pathien kimuthei

● Jesu a Pathien kimuthei (Emmanuel)



PATHIEN HINA
HO

"Pakai thanei pen Pathien, nahat kibahpi aumpon; ijakai a kitah pen nahi Pakai!" (Psalm 89:8)

**PATHIEN
HINA HO**

Bible a hin Pathien amel lom tah le ahina hetdoh theina bulhing pen akimu'i. Pathien ahina ho a kuon itobang tah ahi ding hettheina ei nei sah uve.

PATHIEN HINA PHABEP



Hat chungnung (Genesis 17:1)



Muntin a um (1 John 3:20)



Khonung ding hejou kei (Isaiah 46:10)



Chondih tah (Psalm 11:7)



Hepina dim (Deuteronomy 4:31)



Thuohhat le tiilkhon kuonna (Rome 15:5)



Lungsiet kuonna (Rome 3:24)



Ngaidam jing (Psalm 86:5)




Laltouna a tou jing (Psalm 47:8)



Tuonsot a um (Genesis 21:33)



**Satan vang chun atil abul a kuon Pathien hina dihloou tah in atahlah in, ama ding bou kigel leh chang kingailu ahi ati.
(Gen. 3:4-5)**





PATHIEN
CHONCHAN
DOL

"Ganhing ho hi akihouvun: "Athieng, athieng, athieng, kiti chu Pakai Hatchungnung pen ahin, Aloupina'n vannuoi aluo suoh tai," ati uve." (Isa. 6:3)

PATHIEN THIENGTHOU TAH AHI

Pathien kom a vantil dingle ho chun "Athieng, athieng, athieng" ti'n avahchoi uve (Isa. 6:3; Rev. 4:8). Hiche ahina hi achonchan toh kilhekhen theilou khop ahi jieh in Isaiah'n Pathien min chu "Athiengpa" ti'n asun tai (Isa. 40:25; 57:15).

Thiengthou tah chu ipi tina hin tem? Kithiensuo, kichuom koi, thiengsel tina ahi. Sietna ikikhenpi uva Pathien thusah ibol tieng u leh eiho jong thiengthou tah ihi diu ahi (Num. 15:40; Lev. 11:44; 1 Pet. 2:9).

Pathien vang chu sietna jouse toh kikhen del jieng leh chonsietna toh kiguijopna neocha jong neilou ahi.

Pathien thiengthou tah ahi jieh chun angailutna jong thiengthou tah le chang ding kigelna behlou beh ahi. Hatchungnung ahina jong thiengthou tah le chang ding kigelna behlou beh ahi. Ahina thiengthou tah ngen ahi.



PATHIEN NGAILUT AHI

"Chule Pathien in eiho sung a ngailutna anei hi eihon ihe uvin itahsan uve. Pathien chu ngailut ahin, ngailut sung a um mi chu Pathien sung a um ahin, chule ama sung a Pathien um a ahi." (1 John 4:16)

Ngailutna anei leh ahopjal goh hilouvin, "Pathien *CHU* ngailut ahi" (1 John 4:8, 16). Thiengthou tah ahibang chun ngailutna jong Pathien ahina sunggil tah chu ahi.



Ngailutna vang a bou mihiem numei le pasal in asiem in, akingailut tuo lhon din "*athupieh e*" (Gen. 2:24)



Adam le Eve chonsietna alhah lhon chun ngailutna vang in aholdoh in, kinepna ape e. (Gen. 3:9, 15)



Ngailutna vang in Abraham toh kitepna asiem in, nam tin phattheina ateppeh e. (Gen. 26:4)



Ngailutna vang in achapa, Jesu Christa, eiho chonsiet jal a thi din ape e. (John 3:16)

Angailutna iti ka lethuh thei ding ham?

"Aman ei ngailut masah jieh a ei hon ingailut u ahibouve." (1 John 4:19)





PATHIEN

HETDOH

THEINA

THILSIEM A KUON PATHIEN KIMUTHEI



“Vanmun jouse'n Pathien loupina apuong in, Vanthamjol in jong akhutsuoh aseidoh e!” (Psalm 19:1)

Bible akipatna chun Pathien chu אֱלֹהִים (*Elohim*) ahi ti'n ase ngal e. Hiche thucheng chu “*pathien ho*” ti a ledoh thei ahivang in, Pathien khat bou seina'n akimang e. “Siemtil in *Pathien hon* lei le van ana siem e” tithei tobang ahi” (Gen. 1:1).

Siempa Pathien chun Thu [Jesu Christa] vang a, chuleh Lhagao panlahna jal a thilsiem jouse ahin umсах a, thanei tah a aboldoh ahi (Gen.1:1-3; Jn. 1:1-3).

Genesis bung 2 a hin Pathien ama kisah min akimu'i: יהוה (*Yahweh*). Pathien in “*hung um hen*” ti bou sei in akichai sah poi; mihiem chu akhut ah ala'n, asiemjol sel e. Kinaipi thei tah le kihoupi thei tah Pathien ahina atahlah e.

Akhut in ei tuh uvin, ei houpi un, ei hilthiem un, toh ding ei pe un...ei ngailu mama jieng uve.




JESU A PATHIEN KIMUTHEI (EMMANUEL)

"Koiman Pathien amukha poi, Pathien hing jing khat seh chu Pa op'a beh jing pa'n bou apuondoh ahi." (John 1:18)



Pathien ahina hetdoh tei itup u leh Jesu ihet masah u ngai ahi. Pathien ama tah eiho lah a hung lha ahi (John 1:14). Eihon imu uva, aseijah theina diuva mihiem hina jouse hin kivon a, mihiem mel a hung ahi (John 1:18; 14:9; 1 John 5:20).

Gaothu kisei in amin asahsa, atoh ding phuondohna min chu aneisa ahi: Emmanuel, Pathien in ei umpi uve (Isaiah 7:14; Matthew 1:23). Evangelist 4 ho hin seidan chuom chieh in ama chu ei tahlah pih uve:



Matthew

Juda mi 1 akuon
Juda mite ding

Athutep muolsuo
Messiah chu ahi

Mark

Juda mi 1 akuon
Gentile mite ding

Midang ho dia kimansa
le tong jing chu ahi

Luke

Gentile mi 1 akuon
Gentile mite ding

Khotuona le hepina a
dimset ahi

John

Juda mi 1 akuon Juda
le Gentile mite ding

Tahsa le lhagao hinna
Pepa chu ahi

“Sang tampi’n Pathien leh ahina hetdan dihlou tah anei un ahi... Pathien chu thudih Pathien ahi. Dihtah a thutan leh lungsietna chu Alaltouna khombul ahi. Ngailut, hepina chuleh khotuona dimset Pathien ahi.

Ahina jouse chu Achapa, ei huhhingpu’n, bulhing set in ahin tahlah tai. Lungnieng leh thuohhat tah Pathien ahi. Hitobang Pathien chu ideipenpa u ahi a, ahina joppih dia kigo jing ihi u leh, Pathien dihtah hou ihi ding u ahi.”

EGW (God Cares for Us, August 8)